

Nahibal-an mo bala nga ang dako kaayo nga pagkabutang sa kinabuhi libre? Puwede ka magarantiyahan sang libheng biyahe pakadto sa langit agud magkinabuhi upod sa Dios pagkatapos sang imo pagbiya sa sini nga kalibutan. Wala ini nagakinahanglan sang relihiyosong mga binuhatan ukon maayong mga trabaho, ukon sang bisan anong ikasarang nga makit-an mo diri sa kalibutan. Ayhan mamangkot ka, *Niyan, ano bala ang ginakinahanglan ko himoon?* Ang sabat wala.

Indi mo ginakinahanglan himoon ang bisan anong butang, indi mo ginakinahanglan *mag-untat* sa paghimo sang bisan anong butang. Indi mo ginakinahanglan tilawan nga mangin maayo ukon mag-simba agud maluwas; sa kabaliskaran, indi mo ginakinahanglan mag-untat sa paginum-inum ukon magpamuyayaw, ukon bisan magpanghilawas ukon sang bisan

anong iban pa nga sala. Ang dulot amo ang isa ka dulot, kag ang dulot libre — walay nakaangot nga obligasyon!

“Kay tungud sa grasya naluwawas kamo pinaagi sa pagtoo kag ini [kaluwasan] indi halin sa inyo mga kaugalingon; ini dulot halin sa Dios, indi halin sa inyo mga trabaho basi ang bisan sin-o nga tawo magpabugal.” (Mga Taga-Efeso 2: 8–9)

Libre ini para sa tanang mga sakup sang katawhan sanglit nga ginbayaran ni Kristo ang presyo sang bug-os ninyo nga mga sala, bisan pa ang *sa pagkamatuud* mga malain. Ang 1 Pedro 2:24 nagapahayag nga:

“Kag siya mismo ang iya ka-

ugalingon nagdala [sang bug-os] sang aton mga sala sa iya lawas [sa panahon sang paghukum didto sa krus].”

Sa ano nga pamaagi bala ang isa ka tawo makabaton sini nga dulot? Ginakinahanglan bala nga makadto ka pa sa pinakamalapit nga simbahan agud mabaton ini? Indi, ini mas labing malapit kay sa sina. Ang kaluwasan ara sa imo panghunahuna. Kon matuud gid nga nagatoo ka nga si Kristo amo ang Manluluwas, gamita lamang ang imo kalag sa pagpahayag sang imo pagtoo sa iya: *Langitnong Amay, nagatoo ako kay Ginoong Jesu-Kristo subong akon Manluluwas*. Sa tapos makapangamuyo sinang simple nga pangamuyo, ang Dios nagapaangkon sang iya mismong kaugalingong pagkamatarong sa imo, kag nagahatag sa imo sang kinabuhi nga walay katapusan. Ini nagakahulugan

nga ikaw karon kwalipikado na nga mag-angkon sang relasyon sa Dios, kag mag-kinabuhi kaupod sa iya sa walay katub-tuban.

“Ako ang pagkabanhaw kag ang kinabuhi [si Jesus nabanhaw sa 3 ka adlaw sa tapos siya napatay sa lawas didto sa krus], ang bisan sin-o nga nagatoo sa akon mabuhi bisan kon siya mapatay.” (Juan 11:25)

Si Ginoong Jesu-Kristo nangin pirmi gid Dios kag nangin Dios-tawo sadtong circa 4 BC. Ang walay katapusang Dios nahiusa sa matuud nga tawo. Gani si Jesu-Kristo kapareho sa sining duha Dios kag tawo. Ini nagahimo sa iya nga nagaisahanong manugpatunga sa tunga sang Dios kag katawhan.

“Kay may isa lang gid ka Dios kag isa ka tawo, ang manugpatunga sa tunga sang Dios kag sang mga tawo, ang tawo nga si Kristo Jesus nga naghatag sang iya kaugalingon subong ang pangtubos para sa bug-os katawhan [ginbaton niya ang inyo silot agud makontento ang pagkamatarong sang Dios, sa pagbayad para sa inyo kahilwayan].” (1 Timoteo 2:5, 6a)

Ang manugpatunga lamang sa tunga sang Dios kag sang tawo ang puwede makasulbar sang palaligban sang sala sang katawhan. Gani, subong ang naga-isahanong manugpatunga, si Jesus makasiling nga:

“Ako amo ang dalan, ang kamatuuran, kag ang kinabuhi nga walay katapusan; walay bisan isa nga makakadto sa Amay [didto sa langit] luwas pinaagi sa akon.” (Juan 14:6b)

Si Jesus nagbaton sang silot tungud sang mga sala sang tagsa ka tawo sang kasaysayan, walay sapayan sang rasa, kahimtangan, ukon relihiyon:

“Kag siya mismo ang iya kaugalingon amo ang maka-pakontento para sa aton mga sala [mga tumuluo]; kag indi para sa aton lamang, kondi sa bug-os kalibutan.” (1 Juan 2:2)

Ginsilotan sang Dios nga Amay ang perpektong pagkatawo ni Jesus tungud sang aton mga sala agud nga makatan-

yag siya sang kinabuhi nga walay kata-
pusan sa bug-os katawhan, walay sapa-
yan kon daw sa ano ka makasasala sila.
Ang Dios may walay limitasyon, walay
kondisyon nga gugma sa kada isa kag
sa tanan, kag ginahimo niya ang tanang
puwede mahimo agud luwason kamo
sa kinaugalingon sa walay katapusang
paghukum.

“Apang ang Dios nagapakita
sang iya gugma para sa aton,
nga sang mga makasasala pa
kita, si Kristo napatay tungud
sa aton.” (Mga Taga-Roma
5:8)

“Kay ang Dios naghigugma
sang kalibutan [katawhan] sa
bagay nga ginhatag niya ang
iya natawo sa pinasahi nga
anak, agud nga ang bisan

sin-o nga nagatoo sa iya indi na gid mawala kondi may kinabuhi nga walay katapusan.” (Juan 3:16)

Gani ngaa bala nga ginsilingan kita nga magtoo sa kay Jesu-Kristo para sa aton kaluwasan? Ginsilingan kita sini tungud kay amo ini ang pamaagi sang wala gid sing ginahimo. Ang wala gid amo ang luyag sang Dios nga himoon naton sanglit nga ginhimo niya ang tanan nga trabaho. Wala siya nagakinahanglan sang aton bulig, kag luwas sina, wala gid sing ma-himo ang makasasala agud maagum ang perpektong pagkamatarong nga ginakinahanglan agud maangkon ang walay katapusan nga relasyon sa Dios didto sa langit.

“Tanan kita mangin kaangay sang isa ka tawo nga dima-

tinlo, kag ang tanan naton nga mga pagkamatarong (ang bisan anong buhat nga aton ginahunahuna magasangkap sang panamguhanong padya para sa langit) mga kaangay sang ginreglahan nga mga trapo.” (Isaias 64:6)

Ang pagtoo amo ang sistema sang pagtoon kag pag-aplikar sang ihibalo. Ang pagtoo wala nagalakip sang bisan anong sari sang trabaho sa imo bahin, kag nagakinahanglan nga ikaw magtoo lamang sa sinang ihibalo nga matuud.

Kadamoan sang kon ano ang imo nahibal-an naangkon pinaagi sa pag-inoino sang pagtoo. Sang ikaw magamay pa nga bata ayhan ang imo maestro nagtudlo sa imo nga ang katawhan sa Thailand nagakaon sang madamo gid nga kan-ong humay. Karon, sang nagtoo ka sa imo

maestro, wala ka ginhimo nga trabaho. Pinaagi sa abilidad kag sa trabaho sang imo maestro, nahibal-an mo nga ang Thai nga katawhan nagakaon sang madamo gid nga kan-ong humay. Ang bug-os mo nga ginakinahanglan himoon amo ang magtoo sa iya.

Amo man ang matuud sa trabaho ni Jesu-Kristo didto sa krus. Si Jesu-Kristo ang naghimo sang tanang trabaho, nga nagabaton sang silot para sa tagsa ka sala nga imo himoon sa bug-os mo nga kinabuhi. Magtoo lamang kita sa iya, magsalig kita sa iya para sa aton kaluwasan.

“Ginluwas niya kita indi suno sa mga binuhatan nga aton nahimo pinaagi sa [tawhanon] pagkamatarong, kondi suno sa iya mahigugmaong kabuu-tan.” (Tito 3:5a)

Kon magtoo ka kay Jesu-Kristo, nagahimo ka sang desisyon nga wala nagakinahanglan sang bisan anong pangabudlay sa imo parte. Kon pillion mo nga magtoo nga ginpadala sang Dios si Jesu-Kristo sa kalibutan agud mapatay tungud sang imo mga sala, niyan puwede ka na magpahayag sang imo desisyon sang pagtoo sa hilway-nga pagbuut pinaagi sa pagsiling sa Dios nga Amay, *nagatoo ako kay Jesu-Kristo, ang isa nga ginsilotan tungud sang akon mga sala.* Sa tapos mangamuyo sang sina nga simpleng pangamuyo, mangin anak ka sang Dios sa walay katubtuban.

“Ang nagatoo sa Anak may kinabuhi nga walay katapusan, apang ang wala nagatoo sa Anak indi makakita sang kinabuhi [sa langit], kondi ang kasingkal sang Dios na-

gapabilin sa iya [masilotan siya sa linaw sang kalayo sa walay katubtuban].” (Juan 3:36)

“Magtoo kay Ginoong Jesu-Kristo, kag maluwas ka.” (Mga Binuhatan 16:31a)

With permission of www.maxkleinbibleministries.org,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
*(Ginhatag pinaagi sa GLSP nga wala sing bayad ukon obligasyon.
Para sa dugang pa nga kasayuran mag-text ukon magtawag sa:)*
email: jersal1978@yahoo.com (Visayan)
Smart: 0920-218-3668 (Visayan)
email: naconasg@yahoo.com (Ilonggo)
Smart: 0970-034-3191 (Ilonggo)

The electronic version of this book can be read or downloaded
through the Internet address <https://www.gracelssp.ph>.
*(Ang sa electronic nga porma sang sini nga libro mahimong mabasa ukon ma-download
pinaagi sa internet address nga <https://www.gracelssp.ph>.)*

Para sa dugang nga husto kag doktrinadong
kahanasan sa impormasyon nahanungud sini
nga harambalon, palihog bisita sa sining mga
websites:

www

[.maxkleinbibleministries.org](http://www.maxkleinbibleministries.org)

www.rbthieme.org

www.gracelssp.ph

Ginbadbad halin sa orihinal nga teksto sang
The [Really] Good News
the unadulterated Gospel of Jesus Christ, in brief

Ginbadbad kag gin-andam sa pagpaimprenta ni
Gloria Estanda Naconas. Ginrepasso nila
Alma Avila Cachopero kag Dante Mallorca Canja.
Gin-imprenta nga may pagtugot sang
www.maxkleinbibleministries.org, 2025.